

Ataqatigiissaarinermut ataatsimiititaliat aamma ataqatigiissaarinermi suleqatigiit pillugit kaajallaasitaq

Naalakkersuisut suleriaasiat pillugu Namminersorlutik Oqartussat nalunaarutaanni nr. 28, 13. juli 2022-meersumi § 1, imm. 4 naapertorlugu aalajangersarneqarpoq:

Naalakkersuisut naalakkersuinikkut sulinerannik ataqatigiissaarineq

§ 1. Naalakkersuisut politikkut sulinerannik ataqatigiissaarisussatut ataqatigiissaarinermut ataatsimiititaliaq ataaseq aamma ataqatigiissaarinermi suleqatigiit pingasut pilersinneqassapput.

Imm. 2. Ataqatigiissaarinermut ataatsimiititaliaq aamma ataqatigiissaarinermut suleqatigiit, naalakkersuinikkut akisussaaffinni assigiinngitsuni Naalakkersuisut naalakkersuinikkut anguniagaannik ataqatigiissaarineq suliassaraat.

Imm. 3. Suliat Naalakkersuisunut oqaluuserisassanngorlugit innersuunneqarnissaat sioqqullugu ataqatigiissaarinermut ataatsimiititaliap aamma ataqatigiissaarinermi suleqatigiit, naalakkersuinikkut suliani isumaqatigiittoqneranik pilersitsiumalluni sukumiisunik aalajangersimasunik isumaliutersuuteqarnissaq, oqaloqatiginninnissaq naalakkersuinikkullu siumukarnissaq qulakkiissavaat.

Imm. 4. Naalakkersuisut Siulittaasuat naalakkersuinikkut suliat ataasiakkaat aalajangersimasut aaqqiiviginissaannut ataqatigiissaarinermi suleqatigiikkallartussanik pilersitsisinnaavoq.

Ataqatigiissaarinermut ataatsimiititaliaq

§ 2. Naalakkersuisut ataqatigiissaagaasumik suliniuteqarnissaat aamma naalakkersuisooqatigiinnissamut isumaqatigiissummi siunnerfiit anguneqarnissaasa qulakteernissaat, ataqatigiissaarinermut ataatsimiititaliap suliassarai.

Imm. 2. Naalakkersuisut qitiusumik pingaartitaasa periusiukkamillu sammiveqarnerisa qulakteernissaat, ataqatigiissaarinermut ataatsimiititaliap aamma suliassaraa.

Imm. 3. Suliat naalakkersuinikkut aningasaqarnikkulluunniit pingaarutilimmik ilusillit, matumani inatsisiliornermi isumaqatiginninniutissat annertuut, isumaqatigiissutit siunnersuutillu ilanggullugit, ataqatigiissaarinermut ataatsimiititaliap suliarisarpai.

Imm. 4. Nalornisoqartillugu suliamik suliarinninnissaq ataqatigiissaarinermut ataatsimiititaliamut imaluunniit ataqatigiissaarinermut suleqatigiinnut ataatsimut innersuunneqassanersoq Naalakkersuisut Siulittaasuat aalajangiissaaq.

§ 3. Ataqatigiissaarinermut ataatsimiititaliap inuttari:

- 1) Naalakkersuisut Siulittaasuat, ataqatigiissaarinermut ataatsimiititaliamut siulittaasuusoq.
- 2) Naalakkersuisut siulittaasuisa tullia aamma Aningaasaqarnermut Akileraartarnermullu Naalakkersuisoq.
- 3) Nunanut Allanut Ilisimatusearneemullu Naalakkersuisoq.
- 4) Isumaginninnermut, Suliffeqarnermut Nunamut Namminermut Avatangisinullu Naalakkersuisoq.

Ataqatigiissaarinermut suleqatigiit

§ 4. Ataqatigiissaarinermut suleqatigiit ataasiakkaat akisussaaffeqarfimminni naalakkersuinikkut suliassanik siunnerfiinik ataqatigiissaarneqarnissaasa qulakteernissaat, ataqatigiissaarinermut suleqatigiit suliassaraat.

Imm. 2. Ataqatigiissaarinermut suleqatigiit akisussaaffeqarfimminni naalakkersuinikkut suliassanik suliaqartarpuit, matuman ni naalakkersuinikkut suliani, taakku ataqatigiissaarinermut ataatsimiititaliamut imaluunniit Naalakkersuisunut suliassatut innersuunneqarnissaat sioqqullugu, naalakkersuinikkut siuariartornerit atuuttunngortitsiniarlunilu isummersuutit pillugit isumaliutersuuteqarnissaq oqaloqatigiinnissarlu siunertaralugit.

Imm. 3. Ataqatigiissaarinermut suleqatigiit siulittaasumit ataatsimit aqunneqarput. Siulittaasoq Naalakkersuisut Siulittaasuannit toqqaqartarpooq. Ataqatigiissaarinermut suleqatigiinni siulittaasut ataqatigiissaarinermut ataatsimiititaliamut attaveqartassapput.

Imm. 4. Ataqatigiissaarinermut suleqatigiit suliat ataqatigiissaarinermut ataatsimiititaliamut ingerlateqqillugit nassiuuttassavaat, matuman isumaqtigiiitoqarsinnaangippat imaluunniit suliani ataqatigiissaarinermut ataatsimiititaliap akisussaaffinut tunngasuni, takuuk. § 2.

§ 5. Aningaasaqarnermut inuussutissarsiornermullu ataqatigiissaarinermut suleqatigiit, Naalakkersuisut aningaasaqarnermut naalakkersuinikkut anguniagaat kiisalu Naalakkersuisut inuussutissarsiornermut sanaartornermullu suliassaqarfinni naalakkersuinikkut anguniagaat pillugit suliat suliarisarpai.

Imm. 2. Aningaasaqarnermut inuussutissarsiornermullu ataqatigiissaarinermut suleqatigiit makkuupput:

- 1) Naalakkersuisut siulittaasuisa tullia aamma Aningaasaqarnermut Akileraartarnermullu Naalakkersuisoq, ataqatigiissaarinermut suleqatigiinni siulittaasuovoq.
- 2) Inuutissarsiornermut, Aatsitassanut, Nukissiutinut, Inatsisit Atuutsinneqarnernnut Naligiissitaanermullu Naalakkersuisoq.
- 3) Aalisarnermut, Piniarnermut, Nunalerinermut Imminut Pilorsornermullu Naalakkersuisoq.
- 4) Ineqarnermut, Attaveqaatersuutinut, Isorliunerusunullu Naalakkersuisoq.

§ 6. Atugarissaarnermut ataqatigiissaarinermut suleqatigiit, atugarissaarnermut suliassaqarfimmi Naalakkersuisut naalakkersuinikkut anguniagaat pillugit suliat suliarisarpai.

Imm. 2. Atugarissaarnermut ataqatigiissaarinermut suleqatigiit makkuupput:

- 1) Isumaginninnermut, Suliffeqarnermut Nunamut Namminermut Avatangiisinullu Naalakkersuisoq, ataqatigiissaarinermut suleqatigiinni siulittaasuovoq..
- 2) Meeqqanut, Inuuusuttunut llaqutariinnullu Naalakkersuisoq.

- 3) Ilanniartitaanermut, Kulturemut, Timersornermut llageeqnarnermullu Naalakkersuisoq.
- 4) Peqqissutsimut inunnnullu Innarluutilinntu Naalakkersuisoq.

§ 7. Mingutsitsinnginnerunissamut ataqatigiissaarinermut suleqatigiit, Naalakkersuisut pinngortitamut, avatangiisnut, silap pissusaanut aamma inuussutissanut suliassaqarfimmi naalakkersuinikkut anguniagaat pillugit suliat sularisarpai.

Imm. 2. Mingutsitsinnginnerunissamut ataqatigiissaarinermut suleqatigiit makkuupput:

- 1) Nunanut Allanut Iisimatusarnermullu Naalakkersuisoq, ataqatigiissaarinermut suleqatigiinni siulittaasuuvoq.
- 2) Aalisarnermut Piniarnermut, Nunalerinermut Imminut Pilersornermullu Naalakkersuisoq.
- 3) Isumaginninnermut, Suliffeqarnermut Nunamut Namminermut Avatangiisinullu Naalakkersuisoq.

Ataatsimiittarnerit

§ 8. Ataqatigiissaarinermut ataatsimiittitaliaq aamma ataqatigiissaarinermut suleqatigiit qaammammut ikinnerpaamik ataasiarlutik ataatsimiittarput, ilaasortanit pineqartunit peqataaffigineqartumik.

Imm. 2. Naalakkersuisunut ilaasortat, ataqatigiissaarinermut ataatsimiittitaliap aamma ataqatigiissaarinermut suleqatigiit allat, ilaasortaaffigingisamik ataatsimiinnerini nammineq oqaluuserisassaqarunik peqataasinnaapput.

Imm. 3. Ataqatigiissaarinermut ataatsimiittitaliamu aamma ataqatigiissaarinermut suleqatigiinni ilaasortat ataasiakkaat aalajangissavaat, Naalakkersuisoq pineqartoq ikiorserumallugu naalakkersuisoqarfimmut pisortaq ataatsimiinnermi peqataassanersoq.

Imm. 4. Pisariaqartitsineq malillugu ataqatigiissaarinermut ataatsimiittitaliamu aamma ataqatigiissaarinermut suleqatigiinni immikkut ittumik ataatsimiinnissamut, ataqatigiissaarinermut ataatsimiittitaliamu aamma ataqatigiissaarinermut suleqatigiinni ataasiakkaani siulittaasoq aggersaasinhaavoq.

§ 9. Ataqatigiissaarinermut ataatsimiittitaliamu aamma ataqatigiissaarinermut suleqatigiinnut allattoqarfik Siulittaasup naalakkersuisoqarfianit isumagineqartapoq.

Imm. 2. Ullormut oqaluuserisassanut immikkoortut, naalakkersuinikkut suliamik qulequtsikkat, ilanngunneqartut ataatsimiinnissap aalajangersarneqarsimasup aallartinnginnerani kingusinnerpaamik ullorsiutitigut ullut arfineq-marluk qaangiunneranni Siulittaasup naalakkersuisoqarfianut ingerlateqqillugit nassiunneqassapput, matumani ataqatigiissaarinermut ataatsimiittitaliamu imaluunniit ataqatigiissaarinermut suleqatigiinni ataatsimi siulittaasumut allatut aalajangersimasumik isumaqatigiitqarsimanngippat.

Imm. 3. Ullormut oqaluuserisassat ataqatigiissaarinermut ataatsimiittitaliap imaluunniit ataqatigiissaarinermut suleqatigiinni ataasiakkaani siulittaasumit, Siulittaasup naalakkersuisoqarfia suleqatigalugu aalajangersarneqartarput.

Imm. 4. Siulittaasup naalakkersuisoqarfiaataatsimiinnissap aallartinnginnerani ullorsiutitigut ullunik tallimanik sioqqutsisumik, ataqatigiissaarinermut ataatsimiittitaliamu aamma ataqatigiissaarinermut suleqatigiinni ataasiakkaani ilaasortanut ullormut oqaluuserisassat nassiuressavai.

Imm. 5. Ataqatigiissaarinermut ataatsimiititaliami aamma ataqatigiissaarinermut suleqatigiinni ataatsimiinnerit aalajangiinerit pillugit imaqarniliaq suliarineqassaaq.

Atuutilersitsinermut atorunnaarsitsinermullu aalajangersakkat

§ 10. Kaajallaasitaq ulloq 15. aprili 2025-mi atuutilissaaq.

Imm. 2. Peqatigisaanik ataqatigiissaarinermut ataatsimiititaliaq aamma ataqatigiissaarinermut suleqatigiinni pillugit kaajallaasitaq nr. 41, 27. septembari 2024-meersoq atorunnaarsinnejarpooq.

Siulittaasup Naalakkersuisoqarfia, ulloq 15. aprili 2025

Jens-Frederik Nielsen (atsior.)

Naalakkersuisut Siulittaasuat

/ Hans-Peder Barlach Christensen (atsior.)

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviit

Naalakkersuisut